

外國竹枝詞
附 錄
海國聞見錄



海
國
聞
見
錄

附圖

陳倫炯 纂
夏璇淵 繪圖

中
華
書
局

叢書集成初編

外國竹枝詞（及其他一種）

中華書局出版發行

（北京王府井大街三十六號）

秦皇島市資料印刷廠印刷

一九九一年北京第一版

開本：七八七乘一〇九二毫米三十二分之一

統一書號：ISBN7-101-00894-1/K·367

藝海珠塵

史部地理類

南漚吳省蘭泉之軒
通潞丁堦升之校

海國聞見錄

陳倫炯

倫炯字資齋福建同安人監生授侍衛官高雷廉總兵官

序

先公少孤貧廢書學賈往來外洋見老於操舟者僅知針盤風信卽以形勢則茫然問有能道一二事實者而理莫能明先公所至必察其面勢辨其風潮觸目會心利非學力所能造者康熙壬戌

聖祖仁皇帝命征澎湖海侯施公琅提督諸軍旁求習於海道者先公進見聚米爲山指畫形勢定計候南風以入澎湖遂藉

神策廟算應時戡定又奉施將軍令出入東西洋招訪

鄭氏有無遁匿遣人凡五載敘功授職再遷至碭石總

兵擢廣東副都統按廣東通志右翼副都統陳鼎

海地也倫炯蒙漢籍福建人康熙五十七年任皆濱

先帝殊恩得充侍衛親加教育示以沿海外國全國康

熙六十年

特授臺灣南路叅將

皇上嗣位蒙

恩遷澎湖副將移臺海水師副將卽

擢授臺灣總兵移鎮高雷廉又皆濱海地也倫炯自爲童子時先公於島沙陝阻盜賊出沒之地輒諄諄然告之少長從先公宦浙聞日本風景佳勝且欲周諮明季擾亂閩浙江南情實庚寅夏親遊其地及移鎮高雷廉壤接交趾日見西洋諸部估客詢其國俗考其圖籍合諸

先帝所圖示指畫毫髮不爽乃按中國沿海形勢外洋諸國疆域相錯人風物產商賈貿遷之所備爲圖誌蓋

所以志

聖祖仁皇帝暨先公之教於不忘又使任海疆者知防禦搜捕之扼塞經商者知備風潮警寇掠亦所以廣我皇上保民恤商之德意也

雍正八年歲次庚戌仲冬望日同安陳倫炯謹誌

天下沿海形勢錄

天下沿海形勢從京師天津東向遼海鐵山黃城皮島外對朝鮮左延東北山海關寧遠蓋平復州金州旅順口鴨綠江而抵高麗右袤東南山東之利津清河蒲臺壽光海倉口登州而至廟島成山衛登州與旅順口南

北隔海對峙東懸皮島西距兩京登萊是爲遼海登州一郡陡出東海盡於成山衛海船往盛京天津者以成山爲標準也成山衛轉西南則靖海大嵩萊陽鼇山靈山而至江南海州此皆登州西南之海也海州而下廟灣而上則黃河出海之口河濁海清沙泥入海則沉實支條纓結東向紆長潮滿則沒潮以或淺或沉名曰五條沙中間深處呼曰沙行江南之沙船往山東者恃沙行以寄泊船因底平少擱無碍闊船到此則輒散魂飛底圖加以龍骨三段架接高昂擱沙極畏則碎折更兼江浙梅湖外無藩扞屏山以緩水勢東向澎湃故潮汐

之流比他省爲最急。乏西風開避舟。隨潮揚靡不爲壞。是以海船往山東兩京必從盡山對東開。一日夜避過其沙方敢北向。是以登萊淮海稍寬海防者。職由五條沙爲之保障也。廟灣南自如阜通州而至洋子江口內。狼山外崇明鎖鑰。長江沙坂急潮其槩相似。而崇明上鎖長江下扼吳淞。東有洋山馬蹟花腦陳錢諸山接連。浙之寧波定海外島。而嘉興之乍浦錢塘之鹽子。餘姚之後海寧波之鎮海。雖沿海相聯要疆。但外有定海爲之并駕。寶內海之堂奧也。惟乍浦一處濱於大海。東連漁山北達江南之洋山。定海之甬山。劍山。外則注洋。自

海防者當留意焉。江浙外海以馬蹟爲界，山北屬江山，南屬浙，而陳錢外在東北。俗呼盡山，山大澳廣，可泊舟百餘艘。山產水仙、海蘆、淡菜、蚌、烏海鹽，卽小魚、賊舟每多寄泊。江浙水師更當加意於此。南之海島由衢山岱山而至定海，東南由劍山長塗而至普陀，普陀直東之外，出洛迦門，有東霍山。夏月賊舟亦可寄泊，伺劫洋舶回棹，且與盡山南北爲犄角。山腳水深，非加長棹纜不足以寄。普陀之南，白崎頭至昌國，衛接聯內地，外有韭山、弔邦，亦賊舟寄泊之所。此皆寧波郡屬。自寧波、台州、黃巖沿海而下，內有佛頭、桃渚、松門、楚門，外有茶盤、牛

頭積穀。巖壳石塘。枝山大鹿。小鹿。在在皆賦。艘出沒經
由之區。南接樂清。溫州。瑞安。金鄉。蒲門。此溫屬之內海。
樂清東峙玉璫。外有三盤。鳳凰。北岬。南岬。而至北關。以
必關海接界之南。關實溫台內外海。逕寄泊。熬汲之區。
不可忽也。閩之海內。自沙埕。南鎮。烽火。三沙。斗米。北茭。
定海。五虎。而至閩。安外。自南關。大嶺。小嶺。閩山。芙蓉。北
竿塘。南竿塘。東永。而至白犬。爲福寧。福州。外護。左翼之
藩籬。南自長樂之梅花。鎮東。萬安。爲右臂。外自磁澳。而
至草嶼。中隔石牌洋。外環海壇大島。閩安。雖爲閩省水
口咽喉。海壇實爲閩省右翼之扼要也。由福清之萬安。

南視平海內虛海套是爲興化外有南日湄洲再外烏坵海壇所當留意者東北有東永東南有烏坵猶浙之南岬北岬積穀弔邦韭山東霍衢山江之馬蹟盡山是也泉州北崇武獺窟南祥芝永寧左右拱抱內藏郡治下接金廈二島以達漳州金爲泉州之下臂廈爲漳郡之咽喉漳自太武而南鎮海六轡古雷銅山懸鍾在在可以寄泊而至南澳以分閩粵泉漳之東外有澎湖島三十有六而要任媽宮西嶼頭北港八罩四澳北風可以泊舟若南風不但有山有嶼可以寄泊而平風靜浪黑濤白洋皆可暫寄以俟潮流洋大而山低水急而流

通北之吉貝沉礁一線而生東北一目未了內皆暗礁佈滿僅存一港蜿蜒非熟習深諳者不敢棹至南有大嶼花嶼貓嶼北風不可寄泊南風時宜巡緝澎湖之東則臺灣北自鷓籠山對峙福州之白犬洋南自沙馬峙對峙漳之銅山延綿二千八百里西面一片沃野自海至山淺濶相均約百里西東穿山至海約四五百里崇山疊菁野番類聚建一郡分四縣山川形勢生熟番性蜂窠蟻穴誌考備載郡治南抱七崑身而至安平鎮大港隔港沙洲直北至鹿耳門鹿耳門隔港之大鯤頭沙洲而至隙仔海翁隙皆西護府治而港之可以出入巨

艘惟鹿耳門與鷓鴣淡水港其餘港汊雖多大船不能
出入僅平底之艍船四五百石之三板頭船堪以出進
此亦海外形勢以并內地沿海要疆南澳東懸海島扞
衛漳之詔安潮之黃岡澄海閩粵海洋適中之要隘外
有小島三爲北澎中澎南澎俗呼爲三澎南風賊艘經
由暫寄之所內自黃岡大澳而至澄海放鷄廣澳錢澳
靖海赤澳此雖潮郡支山入海實爲潮郡賊艘出沒之
區最遠揚於外洋以伺掠夜西向於島澳以偷泊而游
賊之尤甚者多潮產也赤澳一洋至甲子南至淺澳田
尾遮浪汕尾鰲門港大星平海雖屬惠州而山川人性

與潮無異。故於居中碇石立大鎮下。至大鵬佛堂門。將軍澳紅香爐急水門。由虎門而入粵省。外自小星筆管。沱漳福建頭大嶼山。小嶼山。伶仃山。蜆殼嶼。九州洋。而至老萬島嶼。不可勝數。處處可以樵汲。在在可以灣泊。粵之賊艘。不但船艦海船。此處可以伺劫。而內河槳船。桅船。漁舟。皆可出海。聚劫掠粵海之藏垢納污者。莫此爲甚。廣省左并虎門。右扼香山。而香山雖外護順德。新會。實爲省會之要地。不但外海捕盜。內河緝賊。港汊四通。奸匪殊甚。且其域澳門。外防番舶。與虎門爲犄角。有心者豈可泛視哉。外出十字門而至魯前。此洋艘番

船來往經由之標準。下接岸門三。德大金。小金。烏猪。上川。下川。成船。漢馬鞍山。此肇屬廣海。陽江。雙魚之外。護也。高郡之屯。白。外有大小放鷄。吳川。外有礪州。下鄰雷州。白鷄。錦囊。南至海安。自放鷄而南。至於海安中懸礪州。暗礁。暗沙。難以悉載。非深諳者。莫敢內行。而高郡地方。寶藉沙礁之庇也。雷州一郡。自遂溪。海康。徐聞。向南幹出。四百餘里。而至海安。三面濱海。幅瀾百里。對峙瓊州。渡海百二十里。自海安繞西北。至合浦。欽州。防城。而及交趾之江。平萬寧州。延長一千七百里。故海安下廉州。船宜南風。上宜北風。自廉之冠頭嶺而東。白龍調埠。

川江永安山口烏免處處沉沙難以名載自冠頭嶺而西至於防城有龍門七十二逕逕逕相通逕者島門也通者水道也以其島嶼懸雜而水道皆通廉多沙欽多島地以華夷爲限而又產明珠不入於交趾是以亭建海角於廉天涯於欽瓊州屹立海中地從海安渡脈南崖州東萬州西儋州北瓊州與海安對峙瓊山文昌樂會陵水感恩臨高定安澄邁沿海諸州縣環繞熟黎而熟黎環繞生黎而生黎環繞五指嶺七指山五指西向七指南向周圍陸路一千五百三十里府城中路直穿黎心至崖州五百五十五里萬州東路直穿黎心至儋